



Nañ jirupoto neɓaɓɓa drōarāba jaradia panabaria droaēnaɓa ara warrarāa, mañ warrarāba ara warrarāa. Mañda Jirupotora tosidāa jiru potode. Idyi tosidade dyi papara jaidasia puaba.

Mañ bēra mañ warrara dyi werakau dyibarirāba daupē panesidāa. Ādyirāba darāene kawasidāa mañ warrarāra kīrā awara ɓaɗa juma dewarāra kayāabara. Mañ bēra naūraba, baidoba, egoroba idyi bedeara ijābadyidada.

Jirūpotoba baridua iwidibabadyia idyi papara samā ɓa kawai karea. Idyira wērāraba bio kīrama pananabēra beadi karea kurgabadyidāa jarabadaɗe kāre ne cadyiruaba idyi papara beasida. Ara mañda jirupotoba beade wābadyia dyi animarāra.

Jeba idyi papara beasida jarasidade oedasia mojou ābaa kājanada ameneɓa wāi karea. Chiruda edeesia zai karea wāɓaɓɓa amene ɓaɓ. Dji jeba idyira mitaside edaɓa dyi sora tɓtasia beai carea.

Dewara ewaride jarasidāa idyi papara edecobaa beasida ara mañda beai karea ɓesia duɗu batabuei karea. mamaɓa uɗu zebraɗe egoro edre ɓaɗe wāsia amurukorāmaa. Mañ amurukorārā beudaicha kedea bēra bariduaba beabadyidāa. Mañ bēra jirupotora ādyiba bio kīrā ero panasidāa ādyirāra karebabadyibēra.

Bio meyrā ɓa karea amurukorāba jēdaa diabuesidāa nañ ējūanaa trā droma ɓaɓ ɓaɗaɗe. Mawā osidāa idyia jaradabēra idyi ēberārada bio kīɓabarida, unu kīrā ɓaɗa.

Mama baɗa karea beadi karea jarasidāa duedabema chibigui dromaba idyi papara beasida. Mañ chibigui dromara beadi karea bio zarea ɓasia. Ni kāreasida eda wākabasiberā idyi dyaraɗe. Dueda aɗaɗe wabaɗaɗe dyi chibiguiba kīrāmeba jiru potode su jidasia. Poya ēdraɗa kawaside juma animara idi ewaride oa dobada ɓeara trā jarasia. Mama juma idi ewaride dadyi oa dobada ɓeara odyakuasidāa.

Mañ bēra jarabadaa jirupotora wadi dadjirā tāena ɓaɗa, beuē basida.